

**Zeitschrift:** Bündner Schulblatt = Bollettino scolastico grigione = Fegl scolastic  
grischun

**Herausgeber:** Lehrpersonen Graubünden

**Band:** 72 (2010)

**Heft:** 1: Beurteilung in der Schule

  

**Rubrik:** Pagina Rumantscha

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 15.03.2025

**ETH-Bibliothek Zürich, E-Periodica, <https://www.e-periodica.ch>**

## Che chi sta uschè ün pa pel poppel intuorn (nix Popel)

Eu craj d'avair dudi üna jà, cha sch'inchün disch adüna darcheu l'istess, schi chi's discha eir cha quel tira panaglia. Eu pens, cha cun meis trentetschinch tocca pro'ls ultims chi san che chi'd es üna panaglia. Per tshellas be cuort: La panaglia es quel s-chierp chi's dovraiva plü bod per far painch.

Il ris-ch es vaira grond, ch'eu tira cun quista contribuziun eir ün pa panaglia.

Sperain be cha'l painch nu vegna randsch.

LINARD MARTINELLI

La CGL ha salvà, sco tshellas rumantschas eir, sia conferenza annuala in november passà. La CGL ha fat bun il program da lavur seguaintaing:

1. *La sporta da cuors da magisters per magisters dess gnir cuntinuada e rinforzada.* Sün [www.conferenza.ch](http://www.conferenza.ch) scoula chattais ils cuors. In quella direenziun van eir ils sforzs sün la pagina [www.unterrichts-material.ch](http://www.unterrichts-material.ch), na invlidond natüralmaing [rm.educa.ch](http://rm.educa.ch). Trar panaglia...
2. *La Mediazion RG dess gnir cuntinuada.* Il stadi actual da la Mediazion RG es gnü preschantà e salüdà da las commembras e'ls commembers. Ils prossems pass sun instradats. Nus pensain, cha per l'Engiadina saja quista la dretta via.
3. *La CGL less collavurar plü stret cun tshellas duos conferenzas rumantschas.* Dürant ils ultims duos ons vaina provà d'intensivar la collavuraziun tanter las conferenzas rumantschas. Nus vain interess cumünaivels cur chi va per la scoula rumantscha. Insembel rappreschantaina tuottüna plü co 400

persunas d'instrucziun. Quai nun es be nöglia!

Las conferenzas rumantschas han per intant duos progets cumünaivels. Ün progetin ed ün plütost vaira progetun.

- *Scoula:* Nus ans fain pissers a regard il plan d'instrucziun 21, chi'd es in elavuraziun. Nus lessan jent gnir infuormats ed avoir sgürezza cha la scoula rumantscha, tant tradiziunala, modernbilingua sco eir quella a l'ur linguistic nu saja be la nouv- o deschavla rouda vi da quist char. I nu dess esser, cha'l plan d'instrucziun vegna fat uschè ch'el es realisabel be per la scoula tudaischa in Grischun. Quist es il progetin chi pudess crescer.
- *Politica:* Nus vain elecziuns per la regenza vers stà. Il departamaint d'educaziun sarà vacant. Las conferenzas rumantschas han invidà e plüSas candidatAs vegnan. Nus vulain savair che chi san, pensan e crajan da savair sur da las sfidas da la scoula rumantscha. Il podì, o hearing o co cha nus varan lura nomnà,

ha lö in marcurdi/mesemna als 7 avrigl 2010 a partir da las 16h illa chasa da scoula da Chastè (Tiefencastel).

Ils invids per las commembras e'ls commembers da las conferenzas stessan fingià esser rivats.

- Id es bler in trais-cha e scha nus nu guardain dad esser pro avant o cur chi vain decis, schi vegna decis!

l'I Fögl Scolastic vaina dret ad üna pagina.

Perquai ha'la nom «Pagina Rumantscha».

Avant bundant ün on eschan nus gnüts dumandats, scha las conferenzas pudessan contribuir ils ses artichels l'on. Eu n'ha m'impissà cha tanter noss plü co tschientottanta commembras e commembers, per discuorrer da la CGL, detta garanti ün pêr cheus ingaschats (bain eir cheuas ingaschadas) cun ün'avaina jurnalistica...

O almain ünA?! Forsa vais badà cha quist nun es meis prüm artichel qua – eu tem, chi nu sarà neir l'ultim. A tshellas conferenzas nu para dad ir meglder, anzi: ils Sursilvans sun dafatta sainza presidentA. Ma quai cugnuoscha eir la CGL.

Per finir meis plondschöz amo l'appel toccant: Nu spettarai fin chi'd es da reclomar pro la LEGR, perquai chi nun es plü laint ingüna pagina rumantscha. S'annunzchai pro vossa suprastanza! Natüralmaing cha mincha suprastanza sturess far üna schelta, schi dess massa bleras annunzchas...

**ZUSAMMENHALT**  
Graubünden  
verliert!

**NEIN ZUR NFA**

**HALT**